

陝州前後十一度現光靈瑞

洛州香象如風數放光明

鄧州函作玉文現

秦州重得舍利衛州於外洛州僧先惠晉不行

鄭州內放光明祀州五放光

右摠五十三州

四十州已來皆有靈瑞不可備列具存大傳

法苑珠林卷第四十

荐慈見反砧知切燔音繁縊反伊賁彼義反抵

支音刀的逵渠反渠歸反力振疎毗也反窳於甲

二反盤陟留反屋知栗反洎水音云瀛音虐魚却下耕步

田反又部鰥反古禱科反禾反蠶反步度基反巨宜甕反過

反胡的反姬反衣遇津反晉計筏反夫發把反胡指反

法苑珠林卷第四十一

漆一

供養篇第三十八此有受請篇第三十九

述意部第一

夫三寶平等曠若虛空理無怨親事絕貴賤

是以隨力虔誠普供內外務存遺相異興普

修考刊

遍故昔毗舍佉母別請羅漢五百如來譏呵顯平等故知心無限極則遍及十方財無多少則心周法界也

引證部第二 如地持論云菩薩供養如來略說十種一身供養二支提供養三現前供養四不現前供

養五自作供養六他作供養七財物供養八勝供養九不染汙供養十至處道供養

若菩薩於佛色身而設供養是名身供養若菩薩為如來故若供養偷婆若窟若舍若故若新是名支提供養 若菩薩面見佛身及支提而設供養是名現前供養若菩薩於如

來及支提怖望心俱歡喜心俱現前供養如一如來三世亦然及現前供養如來支提三世十方無量世界若新若故是名菩薩共現

前供養 若菩薩於不現前如來及支提及以涅槃後以佛舍利起偷婆若一若二乃至億百千万隨力所能是名廣不現前供養以

是因緣得無量大果常攝梵福於無量大劫不墮惡趣無上菩提眾具滿足 若菩薩現前供養得大功德不現前供養得大功德共現前不現前供養得最大功德若菩薩於如來及支提手自供養不依懈惰令他施住是名菩薩自作供養 若菩薩於如來及支提不獨供養普令親屬在家出家悉共供養是名自他共供養若菩薩有少許物以慈悲心施彼貧苦薄福眾生令供養如來及支提令得安樂而不自爲是名他作供養自作供養者得大果報他作供養者得大大果報自作他作供養者得最大大果報 若菩薩於如來及支提以衣食雜寶種種供養者是名財物供養 若菩薩久來以財物供養若多若少現前不現前自作他作淳淨信心而作供養以是善根迴向無上菩提是名勝供養 若菩薩自手供養如來及支提不輕他人不放逸不懈怠至心恭敬不滌汗心不於信心

係 未林四十二

二

方

勝人所現誦曲求財亦不以諸不淨物等供養是名無滌供養 若菩薩殊勝不滌財物供養如來及支提若自力得若從他求若如意得財若化作身若二若三乃至百千万億身悉禮如來彼一一身化作百千手彼一一手以種種花香供養如來及支提彼一切身悉讚歎如來真實功德饒益眾生如是等名爲如意自在力供養不待如來出現于世何以故住不退轉地菩薩於一切佛刹未曾障礙故 若菩薩不自力得財亦不從他求而爲供養然於他眾生乃至十方無量世界上中下心所作供養菩薩於彼一切供養以淨信心勝妙解心周遍隨喜是菩薩以少方便興大供養攝大菩提乃至於構牛頭於一切眾生修四無量心等是名至處道供養如來第一最上比前財物供養百倍千倍乃至筭數譬喻不得爲比 如是十事名菩薩一切種供養如來法僧亦亦當知於此三寶作十

種供養菩薩於如來所起六種淨心謂福田無上心恩德無上心於一切衆生無上心如優曇鉢花難遇心於三千大千世界獨一心於世間出世間法一切具足依義心以此六心少想供養如來法僧獲無量功德何況多又瑜伽論云何菩薩於如來所供養如來當

略 朱普士

三

方

知供養略有十種一設利羅供養二制多供養三現前供養四不現前供養五自作供養六教他供養七財供養八廣大供養九無染供養十正行供養釋文同又優婆塞戒經云佛言善男子在家菩薩若欲受持優婆塞戒先當次第供養六方言東方者即是父母若有人能供養父母衣服飲食卧具湯藥房舍財寶恭敬禮拜讚歎尊重是人則能供養東方父母是父母還以五事報之一至心愛念二終不欺誑三捨財與之四為娉上族五教以世事 南方者即是師長若有人能供養師長衣服飲食卧具湯藥尊重讚歎恭敬禮拜

早起晚卧受行善教是人則能供養南方師長是師復以五事報之一速教不令失時二盡教不令不盡三勝己不生嫉妬四將付嚴師善友五臨終捨財與之 西方者即是妻子若有人能供給妻子衣服飲食卧具湯藥瓔珞服飾嚴身之具是人則能供養西方妻子是妻子復以十四事報之一所作盡心營之二常作終不懈慢三所作必令終竟四疾作不令失時五常為瞻視賓客六淨其房舍卧具七愛敬言則柔輒八僮使軟言教詔九善能守護財物十晨起夜寐十一能設淨食十二能忍教誨十三能覆惡事十四能瞻病苦 北方者即是善知識若有人能供施善友任力與之恭敬柔言禮拜讚歎是人則能供養北方善知識是善知識復以四事而還報之一教脩善法二令離惡法三有恐怖時能為救解四放逸之時能令除捨 下方者即是奴婢若有人能供給奴婢衣食病瘦醫

藥不罵不打是人則能供給下方奴婢是奴婢復以十事報之一不作罪過二不待教作三作必令竟四疾作不令失時五主雖貧窮終不捨離六早起七守物八少恩多報九至心敬念十善覆惡事 上方者即是沙門婆羅門等若有供養上方沙門婆羅門衣服飲

序 卷四十一

四

方

食房舍卧具病瘦醫藥怖時能救飢饉施食聞惡能遮禮拜恭敬尊重讚歎是人則能供養上方沙門等是出家人復以五事報之一能令生信二教修智慧三教令行施四教令持戒五教令多聞若有供養是六方者是人則能增長財命能得受持優婆塞戒 又智

度論云諸佛恭敬法故供養於法以法為師何以故三世諸佛皆以諸法實相為師問曰如佛不求福德何故供養答曰佛從無量劫中修諸功德常行諸善不但求報敬功德故而作供養如佛在世時阿那律未得天眼前盲無所見而以手縫衣時針在脫便言誰愛

福德為我在針是時佛到其所語比丘言我是愛福德人為汝在來是比丘識佛聲疾起着衣禮佛足白佛言佛功德已滿云何言愛福德佛報言我雖功德已滿我深知功德恩報力故令我於一切眾生中得最第一由此功德又為欲教化弟子故語之言我尚作功

德汝云何不作為家百歲老公而憐有人呵之言老公幸已百歲何用是憐老公答曰我不須憐但欲教子孫故耳佛亦如是功德雖滿為教弟子作功德故而作供養故佛乳母大愛道亡四天王舉鉢送佛在前擎鑪燒香供養為報恩故雖不求果而行平等供養

深

卷四十一

五

唯佛應供養佛餘人不知佛德如說偈言 智人能敬智 智論則智喜 智人能知智 如地知地足 又頻毗娑羅王詣佛供養經云余時摩竭國頻毗此云娑羅端此云往詣佛所白世尊我與此國界所有資財能有所辦欲盡形壽供養如來及比丘眾衣被飲食林

卧具病瘦醫藥亦當勸率臣民使得蒙度得  
離三塗末處安隱佛受請已便說偈言

祠大最為首 詩頌亦為首 王為人中首

眾流海為首 眾星月為首 光明日為首

上下及四方 諸所生品物 天上及世間

佛最無有上 欲求種德者 當求於三佛

又雜寶藏經云佛告諸比丘言有八種人應

決定施不復生疑一父二母三佛四弟子五

遠來之人六遠去之人七病人八看病者

又智度論云諸菩薩無量無盡功德成就以

一食供養十方諸佛及僧皆悉充足而亦不

盡譬如涌泉出而不竭如文殊師利以一鉢

歡喜丸供養八万四千僧皆悉充足而亦不

盡復次菩薩於此以一鉢食供養十方諸佛

而十方佛前飲食之具具足而出譬如鬼神

得人一口之食而千万倍出 又舊雜譬喻

經云昔有梵志年百二十少小不妻娶無姪

洪之情處在深山無人之處以茅為廬蓬蒿

為席以水果為食不積財寶國王聘之不往  
赴意靜處無為於山藪中與禽獸相娛絕於  
人路山有四獸一名狐二名狝猴三名獼四  
名兔此之四獸日於道人所聽經說戒如是  
積久食諸果菰皆悉訖盡後道人意欲徙去  
四獸大愁憂情不樂共相議言我曹各行求

索供養道人狝猴去至他山得甘果來以上  
道人願止莫去野狐行化作人求得一囊飯  
麩來以上道人可給一月糧願止莫去水獼  
亦復入水取得大魚以上道人給一月糧願  
止莫去兔自思念我當用何等供養道人即  
念當持身供養便取樵以然火作炭往白道  
人言今我為兔請入火中作炙以身奉上道  
人可給一日糧便自投火中火為不然道人  
見兔感其仁義哀愍傷之則自止留佛言余  
時梵志者今提和竭佛是尔時兔者今我身  
是尔時狝猴者今舍利弗是尔時野狐者今  
阿難是尔時水獼者今日連是也 又僧祇

佛本行四十一

六

律云佛住梨耆闍河邊時世尊鉢比丘鉢共  
在露處時有獼猴行見樹中有無蜂熟蜜來

取世尊鉢諸比丘遮佛言莫遮此無惡意便

持鉢取蜜奉獻世尊不受須待水淨獼猴不

解佛意謂呼有虫轉看見鉢邊有流蜜有到

水邊洗鉢水滿鉢中持還奉佛佛即受取佛

受已獼猴大歡喜却行而憊墮坑命終即生

三十三天時諸比丘即說偈言

十力世雄在榛林

野獸殖德有情智

直前往取世尊鉢

得鉢盛蜜來獻佛

心悅歡喜却行憊

即生三十三天上

又文殊師利問經云菩薩為供養佛法僧及

父母兄弟得畜財物為起寺舍造像為布施

若有此因緣得受金銀財物無有罪過頌曰

渺渺長津 遙遙遐壑 煩籠幽閉 難成出離

朱四十一

七

自非薦上 乘何高位 供養三寶 果超十地  
受請篇第三十九 此有九部

述意部

請僧部

聖僧部

施食部

食時部

食法部

食訖部

呪願部

施福部

述意部第一 夫供會之法以不限為本

無適無莫乃應檀心故冥懷遣相與空際而

為極位時隨緣共法界而等量因既不窮則

果亦無盡也且俗儉財貧限物為施物既有

限心亦拘執或計人以擬供或選德而後請

有涯之福未捨無邊之報未霑夫愚法施者

雖物周而施寡善權惠者使物寡而施周是

以外國設齋率廣無遮運心十方該羅法界

也 請僧部第二 如賢愚經云時佛姨

母摩訶波闍波提佛已出家手自紡織預作

一端金色之疊織成奉上如來佛令持此往

奉眾僧姨母思念規心俟佛唯願垂愍為我

受之佛知母專心欲用施我然恩愛心福不

弘廣若施眾僧獲報亦多我知此事是以相勸若有檀越於十六種具足別請雖獲福報亦未為多何謂十六比丘比丘各有八輩不如漫請四人所得功德福多於彼十六分中未及其一將來末世法垂盡時正使比丘畜妻挾子四人已上名字眾僧應當敬視如

舍利弗曰捷連等時波闍波提心乃開解即以其衣奉施眾僧僧中次行無欲取者到弥勒前尋為受之尔時弥勒問眾僧言若有檀越請一持戒清淨沙門就舍供養所得盈利何如有人得十萬錢時憍陳如尋即說言假使有人得百車珍寶計其福利不如請一淨

戒沙門就舍供養得利弘多舍利弗言假令有人得一閻浮提滿中珍寶猶不如請一淨戒者就舍供養獲利亦多目捷連言正使有人得二天下滿中七寶實不如請一清淨沙門就舍供養得利亦多其餘比丘如是各各引於方喻比格其利皆悉多彼時阿那律復

宋四十一

手

自說言正令得滿四天下寶其利猶復不如請一清淨沙門詣舍供養得利殊倍所以然者我是其證自念過去世毗婆尸佛般涅槃後法滅盡時有一長者名阿淚吒家貧憔悴復值歲饑人飢食穀不繼日往取薪賣糶糶子共家婦兒以自供活見一辟支佛乞食不

得請到其家分糶子糜躬自持施辟支語言汝亦飢渴當共分噉阿淚吒言我曹俗人食無時節尊日一食但願為受即受食訖感其至心令發大願時辟支佛還歸所止時阿淚吒即還入澤取薪時見一兔意欲捕取以鍊適擲即時墮地適欲前取化為死人上其背上急抱其頭盡力推却不能令却心懷恐怖悼惶苦惱意欲入城共婦解却復恐人見令不聽入留待日暮以衣用覆擔負往舍既到舍內自然墮地變成一聚閻浮檀金光明晃昱并照比舍展轉談之響徹於王王自來看見是死人形漸欲臭即問淚吒汝見是何答

言看實是金即取少許用奉於王王見金色敬之未有問其所由何緣得此由施辟支王聞歎善即更賜與拜為大臣如是諸尊彼阿波吒者即我身是我於彼世以少稗糜施辟支佛緣是以來九十一劫生天人中無所乏少又像法決疑經云若檀越設食召請眾僧

除

朱四十一

九

遣人防門遮障比丘及諸老病貧窮乞人不聽入會徒喪飲食了無善分 又普廣經云四輩弟子若行齋戒心當存想請十方僧不擇善惡持戒毀戒高下之行到諸塔寺請僧之時僧次供養無別異想其福最多無量無邊若值羅漢四果道人及大心者緣此功德

受福無窮一聞說法可得至道無上涅槃 又十誦律云鹿子母別請五百羅漢佛言無智不善若於僧中次請一人者得大功德果報利益勝別請五百羅漢一切遠近無不悉聞又請僧福田經及仁王經種種呵責不許別請若別請者是外道法非七佛法 又梵

網經云若有檀越來請眾僧客僧有利養分僧房主應次第差客僧受請而先住僧獨受請而不差客僧房主得無量罪畜生無異非沙門非釋種姓犯輕垢罪 若佛子一切不得受別請利養入己而此利養屬十方僧而別受請即取十方僧物入己用者犯輕垢罪 若有出家在家一切檀越請僧福田求願之時應入僧房問知事人今欲次第請者即得十方賢聖僧而世人別請百羅漢菩薩僧不如僧次一凡夫僧若別請僧者是外道法七佛無別請法不順孝道若故別請僧者犯輕垢罪 又智度論云如有一富貴長者信樂眾僧白僧執事我次第請僧於舍食日日次請乃至沙彌執事不聽沙彌受請諸沙彌言以何意故不聽沙彌答言以檀越不喜請年少故便說偈言  
鬚髮白如雪 齒落皮肉皺 僂步形體羸  
樂請如是事

諸沙弥等皆是阿羅漢如打師子頭欬然  
從座起而說偈言

檀越無智人 見形不取德 捨是耆年相  
但取老瘦黑

上尊者年之相者如佛說偈云

所謂長老相 不必以年耆 形瘦鬚髮白

空老內無德 能捨罪福果 精進行梵行

已離一切法 是名為長老

是時沙弥復作是念我等不應坐觀檀越量

僧好惡即說偈言

讚歎阿罵中 我等心雖一 是人毀佛法

不應不教誨 當疾到其舍 以法教語之

我等不度者 是則為棄物

即時諸沙弥自變其身皆成老年

鬚髮白如雪 秀眉垂覆眼 皮皺如波浪

其脊曲如弓 兩手負杖行 次第而受請

舉身皆振掉 行止不自安 譬如白楊樹

隨風而動搖 檀越見此輩 歡喜迎入坐

坐已須臾頃還復年少形檀越驚怖言

如是耆老相 還變成少身 如服還年藥

是事何由然

諸沙弥言汝莫生疑平量是事甚可傷感故

現是化妝當深識之聖眾不可量如偈說曰

譬如以蚤蛄 猶可測海底 一切天與人

無能量僧者 僧以功德貴 猶尚不分別

而汝以年歲 稱量諸大德 大小生於智

不在於老少 有智勤精進 雖少而是老

懈怠無智慧 雖老而是少

汝今平量僧是則為大失如欲以一指測知

大海底為智者之所笑汝不聞佛說四事雖

小而不可輕太子雖小當為國王是不可輕

地子雖小毒能煞人亦不可輕小火雖微能

燒山野亦不可輕沙弥雖小得聖神通最

可輕檀越聞是事已見是神通力身驚毛豎

合手白諸沙弥言諸聖人等我今懺悔我是

凡夫心常懷罪今欲請問於佛僧寶中信心

清淨何者福勝答言我等初不見佛僧寶中有增減何以故如佛一時入舍婆提城乞食有婆羅門姓婆羅埵逝佛數數到其家乞食心作是念是沙門何以來數數如負其債佛時說偈言

時兩數數墮 五穀數數成 數數修福業

數數受果報 數數受生法 故受數數死

聖法數數成 誰數數生死

婆羅門聞是偈已大聖具知我心慚愧取鉢入舍盛滿美食以奉上佛佛不受作是言我為說偈故得此食我不食也婆羅門言是食當與誰佛言我不見天及人能消是食者汝持去置少草地若無虫水中即如佛教持食著無虫水中水即大沸煙火俱出如投大熱鐵婆羅門見已驚怖言未曾有也乃至食中神力如是禮佛懺悔乞出家受戒漸漸斷結得阿羅漢道復有摩訶憍曇彌以金色上下寶衣奉佛佛勸施僧能消能受故知佛寶福

無多少故說偈言

若人愛敬佛 亦當愛敬僧 不當有分別  
同皆為寶故 又法句喻經世尊說偈云  
人當念有意 每食自知少 從是痛用薄  
節消而保壽

又雜譬喻經云昔者舍衛國有一貧家庭中  
有蒲桃樹上有數穗念施道人時國王先前  
請食一月是貧家力勢不如王正懸一月乃  
得一道人便持施之語道人言念欲施來已  
經一月今乃得願道人語優婆夷已一月中  
施優婆夷言我但施一穗蒲桃那得一月施  
耶道人言但一月中念欲捨施則為一月也  
法苑珠林卷第四十一

漆一